

ՀԱՅԱՍՏԱՆԸ ԴԵՄ Է

ՂԱՐԱԲԱՂՈՒՄ ԹՈՒՐԵԱԿԱՆ

ԶԻՆՎԱԾ ՈՒԺԵՐԻ ՆԵՐԿԱՅՈՒԹՅԱՆԸ

1994 թվականի հոկտեմբերի 20-ին անգլերեն լեզվով լույս տեսնող թուրքական «TOD» («Թուրքիչ դեյլի նյուս») օրաթերթը, վկայակոչելով Անատոլիայի լրատվական գործակալությունը, հաղորդել է, որ Հայաստանի Հանրապետության արտաքին գործերի նախարար Վահան Փափազյանը հայտարարել է, որ երեւանը առարկում է Ղարաբաղի միջազգային խաղաղարար ուժերում թուրքական զորքերի մասնակցության դեմ: Հոկտեմբերի 19-ին նա հայտարարել է. «Տվյալ պահին Հայաստանի եւ Ղարաբաղի համար անընդունելի է խաղաղարար ուժերում թուրքական զորքերի ընդգրկումը, քանի որ մենք Թուրքիայի հետ դիվանագիտական կապեր չունենք, եւ նա այս հարցում (ղարաբաղյան, «ՆՏ») անկողմնակալ չէ: Սակայն, եթե Թուրքիան փոխի իր դիրքորոշումը, մենք կվերանայենք նաեւ մերը»,- նշել է Վ.Փափազյանը: Նա նսել է նաեւ, որ Հայաստանի եւ Թուրքիայի միջեւ սահմանը պետք է բացվի: «Որոշումն ընդունվել է երեք տարի առաջ: Այն ժամանակ Թուրքիան ճանաչեց մեր անկախությունը, սակայն երկու երկրների միջեւ դիվանագիտական կապեր չեն հաստատվել: Ես այդ հարցի վերաբերյալ խոսել եմ Թուրքիայի արտաքին գործերի նախկին նախարար Հիքմեթ Չեփենի հետ, եւ նա դրան դեմ չէր: Երեք տարի առաջ ավելի դյուրին կլինեք դիվանագիտական հարաբերություններ հաստատել»,- հայտարարել է Վ.Փափազյանը: Հիշատակելով անցյալ ամիս Նյու-Յորքում Թուրքիայի արտաքին գործերի նախարար Մուսթաֆա Սոյսալիի հետ տեղի ունեցած իր հանդիպման մասին, Հայաստանի արտաքին գործերի նախարարը ասել է. «... Մենք պրն.Սոյսալիի հետ մի շարք հարցերի շուրջ եզրակացություններ ենք արել: Ղարաբաղում հրադադարը, որը շարունակվում է արդեն 5 ամիս, փարածաշրջանի համար բարենպաստ հանգամանք է: Բայց դա բավական չէ: Հրադադարը միայն առաջին քայլն է: Մենք մտադիր չենք «սառեցնել» հրադադարի ժամանակահատվածը, դա վերաբերում է Ադրբեջանին: Այնտեղ ներկայումս պարտերազմ չկա, սակայն չկա նաեւ խաղաղություն»:

Լրագրողների հետ զրույցի ժամանակ Վ.Փափազյանն ասել է. «Սակայն Թուրքիան ձեռնարկել է քայլեր, որոնք Ղարաբաղյան հարցում որոշ խնդիրներ են ստեղծել: Առայժմ սահմանը մնում է փակ, դժվար է ձեւացնել, թե իբր Թուրքիայի հետ հարաբե-

րություններում լարվածություն գոյություն չունի: Մենք արել ենք այն ամենը, ինչ կարողացել ենք: Ես չեմ խոսում պարամական վեճերի մասին: Ես այդ վեճերը օրակարգ չեմ մտցնի: Այդ վեճերը ոչ թե քաղաքական, այլ պարամական են: Այժմ մենք սպասում ենք Թուրքիայի կողմից գործողությունների»,- ասել է նա: Վ.Փափազյանը հայտնել է նաեւ, որ Ղարաբաղյան հակամարտությունում որպես միջնորդ գործող Ռուսաստանի Ղազնուքյան եւ ԵԱՀԿ-ի միջեւ գոյություն ունեն որոշ խնդիրներ: Հաճախ Հայաստանը ստիպված է եղել միջնորդների միջեւ միջնորդ դառնալ»,- նշել է նա: Վ.Փափազյանն ասել է, որ երեւանի եւ Ղարաբաղի հայերի միջեւ ԵԱՀԿ զինված ուժերի տեղակայման հարցում գոյություն ունի կարծիքների տարածայնություն: Թուրքական հասարակայնությունն ու կառավարությունը պետք է տեղյակ լինեն դրան: Նա նշել է նաեւ, որ որոշ երկրներ հարկապես հետաքրքրված են այդ տարածաշրջանով: Հարկավոր է մեծ զգուշությամբ հաշվի առնել շահերի հաշվեկշիռը, «սակայն այդ հաշվեկշիռը փարածաշրջանի երկրների համար չպետք է նոր խնդիրներ առաջացնի: Ռուսաստանի եւ օրինակի համար, Թուրքիայի միջեւ խնդիրները չպետք է լուծել փարածաշրջանի Հայաստանի եւ Ադրբեջանի, ժողովուրդներին դժվարին կացության մեջ դնելով: Հայաստանը չի նահանջի այն պարճառով, որ Թուրքիան, Եվրոպական միությունը կամ Ռուսաստանը շահագրգռված են այս փարածաշրջանով: Յուրաքանչյուր երկիր ունի իր սեփական շահերը, եւ մենք պարտաստ ենք պաշտպանել մեր շահերը»:

Նա հայտարարել է նաեւ, որ Հայաստանը ոչ մի տեսակի կապեր չունի անօրինական ԶԲԿ-ի (Զրդական Բանվորական կուսակցություն) հետ: «Սակայն մեր երկրում կարող են լինել ինչ-որ խմբեր, որոնք կապեր ունեն ԶԲԿ-ի հետ: Չպետք է մոռանալ, որ մեր երկրում կան ազգային փոքրամասնություններ, այդ թվում նաեւ 50 հազ. քրդեր, եւ որ Հայաստանը ժողովրդավարական պետություն է: Մենք ԶԲԿ-ի հետ կապեր հաստատելու պարճառներ չունենք: Մենք չենք ցանկանում Թուրքիայի հետ հարաբերություններում նոր խնդիրներ ստեղծել: Մեր քաղաքականության նպատակը մեր բոլոր հարեւանների հետ լավ հարաբերություններ ունենալն է»,- եզրափակել է Վ.Փափազյանը: